

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 1164 del 21/05/2024

Traduzione in mòcheno

S tuat au der bando 2024 as gip gilt en de oubergamo'a' kultural projektn

[Mòcheno] Unterstitzn pet zuazoln de oubergamo'a' kultural projektn as hom abia rif der sèll za mòchen naia lokal sistem, mòchen netz van pahalter ver za gem en bèrt ont versterchern de kultural, sozial ont birtschòft òrbetn as de lòntschòft: der doi ist der rif va mosnemm va de provinzaljunta as hòt se zòmmtroffen en vraita as de 17 van moi, vourtschbunnen van vicepresident ont asesor va de kultur as tuat u'nemmen der òllgamo'a' bando ver en 2024 as keart en de trentinische lokal innricht ont paschraip de virm ver za kriang de paitrong. Der unterstitz ist tsechen en provinzalgasetz iber en de kulturalnaiekaitn ont, asou abia as sok der Oa'neprotokoll va de lokalfinanz, der leik en gònzn 500 tausnt euro ver en doi jor.

Asou abia as hòt derkort der asesor, s mosnemm billt giltn de kultural pahalter, material ont immaterial, abia strategiesche punkt van lokal enviregea' turch an regiar ont an reklam as guat gea' ver de identitet oder ver en lòng sechen iber en de grenzn aa. Zentral elementn sai' de zòmmòrbet pet de òndern innrichtn - van turismus, va de birtschòft, van welfare, va de umbèlt, va de lear-didaktik - ont de vourtschbinn va mearer kultural naikaitn no en de neat van òlla de schòrt lait as prauchen s, asou as a guata kultural opfer gem kimmp en de sèlln as bea'ne prauchen de kultur.

S barn vourtrong kemmen meing kultural projektn van Tolgamo'a'schòftn oder van Gamo'a'n, ver projektn as va mearera Gamo'a'n gamòcht kemmen, oder as va lai oa'na van doin Gamo'a'n envirtrong kemmen ober de ziachen inn mearer òllgamo'a'n oder privavn as sai' va mearer lander, oder bou as hòt an ouberòllgamo'a', oder bou as kemmen gamòcht lokal netzn as de sistem van Trentinische bibliotek.

De vrog va paitrog miast kemmen vourstellt en Dinst van kultural Òrbetn, tschickt turch de elektronische zertifikat post as de Pec: serv.attcult@pec.provincia.tn.it, oder ver interoperabilitet Pitre, en de draisk to derno van ausdruck van Bando as de istituzional sait internet ont almen der to vouraus as u'vengen de òrbetn ver de beil as men de vrog mòcht. De vrogkòrt mu' kemmen oorganommen va de sait va de PAT asn link <https://www.provincia.tn.it/Documenti-e-dati/Modulistica>. En vòll as der projekt kimmp vourstellt va mearer gamo'a'n, de vrog miast kemmen vourstellt van a gamo'a' as mòcht va ibergeber van òlla. De òndern as toalnemmen miasn, ver za verliarn nèt der paitrog, unterstea' en diciplinar van Trentinische Eco-eventntempl.

Ibersetz gamòcht van Sprochtirl va de Tolgamo'a'schòft Hoa Valzegu' ont Bersntol

(cdt)